

**Preparaziun al Bato:** l'Uniun dles Eres Catoliches dal decanat envieia duc i geniturs co á na creatóra da bacé, pers co aspeta, toc y totes, ala preparaziun dal Bato en **sabeda ai 14 de setember** (nia ai 7 desco da program!), dales 15:00 ales 17:00, tal Salf dles Uniuns a **La Val**. Prenotaziuns, ☎ 328 0717796.

**Prozesciun da Oies a Porsenú** sön le pedies de Sant'Ujöp Freinademetz: desch'al al é belo tradiziun, vegnera ince eniann motüda a jí, plü avisa la **sabeda, ai 31 d'agost**. An peia ia ales 3:00 da doman da Oies demez. Al é ince la poscibilité da gní pormez pro la capela de Sant'Ujöp a Lungiarü (6:15) o do Börz dala Ücia Halsl (10:15). An roará tal seminar ales 17:15 olache al sará na santa messa de conclujiun. Ales 18:00 él la cena y ales 19:15 él na coriera co se condüj derevers por Longega cina a Oies. Le cost por la cena y la coriera é de 20,00 € da paié ete en chel de. Les prenotaziun ven tutes sö al ☎ 0474 523070 o 335-5400890 cina en dedemesaledema ai 28 d'agost. Düc é bel enviés a tó pert.

**Conzert:** le Cor Kerygma, deboriada con n cor de mitans, strumentalisé y le solist Armin Valentini ala marimba, envieia al conzert "Usc y sonns che lieia generaziuns y cultures" con ciances africanes, gospel y spirituals en dedolönesc ai 27 de agost tla dlijia de Badia y sabeda ai 31 de agost tla dlijia de Corvara, tres dales 21:15.

**Curs/1:** l'Uniun Eres d'Al Plan organiseisa en lönesc ai 23 de setember dales 15:00 ales 19:00 tla Fachschule für Landwirtschaft, Hauswirtschaft und Ernährung a Dietenheim n curs da laoré sö früc (Fruchtverarbeitung). Enformaziuns y iscriziuns (cina ai 5 de setember) da Elisabeth Alton, ☎ 348 8291106, dales 16:00 ennant.

**Curs/2:** le Zenter Families Mareo organiseia dai 4 de setember ai 23 d'otober vigne dedemesaledema ales 20:00 te palestra d'Al Plan, en curs de pilates y condiziun. Por enformaziuns y prenotaziuns cherdé sö Marta, ☎ 339 738558.

**Ciasa de Palsa:** l'aministraziun dla Ciasa de Palsa Ojöp Frëinademetz forma na graduatoria por ejams por l'assunziun de n cogo/na cöga (4<sup>a</sup> cualifica funziunala) a tomp determiné. Condiziuns d'azes: diplom de scora mesana, diplom de conclujiun de aprendistat da cogo/cöga y almanco trei agn d'esperienza de laur, zertificat de trilinguism D/A2. Al pó to pert aspiranc/antes dal grup linguistisch ladin. La graduatoria formada ará la dörada de trei agn. l/les aspiranc/antes messará dé dant plü avisa tla domanda de ester desponibli/es por enciaries a tomp determiné (de cörta dorada) a tomp parzial. Les domandes sön le formular arjigné ca aposta (da descarié dala plata internet [www.ciasadepalsa.it](http://www.ciasadepalsa.it)) o sön cherta sciompla con i documonc preodüs, messará gní presentades te secretariat dla Ciasa de Palsa anter les 12:00 dai 02.09.2019. D'atres enformaziuns é da ciáfé te secretariat, ☎ 0474 524700.

<b>Döt le bun a:</b>	Filipo Iaco Rubatscher	* 28.08.1935
	Ida Elena Craffonara Pisching, Al Plan	* 29.08.1944
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina le dedemesaledema sera a Franz Rigo: ☎ 0474 500978 o ✉ [ploania@gmx.net](mailto:ploania@gmx.net)  
**Download plata:** [www.unitepastorala.org](http://www.unitepastorala.org)



## Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner  
E-mail: [ploania@gmx.net](mailto:ploania@gmx.net)

Calogna Al Plan: 0474 501006  
Radio de Ploania: 93,00 MhZ



**VAL BADIA**  
[www.unitepastorala.org](http://www.unitepastorala.org)

Ann C

25.08.2019 - 21. domegna ia por l'ann

n. 39

## Iu sun le tru, la verité y la vita. Degügn ne röa pro le Pere ater co tres me. Alleluia!

☞ Is 66, 18–21 | Ebr 12, 5–7.11–13 | Lc 13, 22–30

### Dal Vangelo do San Lüca:

Te chel tomp <sup>22</sup>jea Gejú sön so tru adancuntra a lerúsalem ensignenn da ciüté a ciüté y da paisc a paisc. <sup>23</sup>Danló él sté önn co l'á damané: Signur, n'él ma püc co ven salvés? Al ti á dit: <sup>24</sup>Proésse con dötes les forzes da passé por la porta stronta; deache trec, ves diji, proará da roé ete, mo ai ne sará nia bogr. <sup>25</sup>Sce le patrun de ciasa lea sö y sara pro la porta, resteise defora, i tlocherareis pa porta y i cherdareis: Signur, daüresse! Mo el ves respognará: I ne sa nia da olach'i seis. <sup>26</sup>I dijareis spó: I án pö mangé y boü con te, y tö as pö ensigné sön nostes plazes. <sup>27</sup>Mo el ves respognará: I ves diji, i ne sa nia da olach'i seis. Demez da me, i eis düc fat de tort. <sup>28</sup>Danló beriareise y rotareise i donz, canch'i odeis che Ábraham, Ísach y Iácob y düc i profec é tal regn de Dio, mo che os enstesc seis slüc fora. <sup>29</sup>Y an gnará dal orient y dal ozident y dal nord y dal süd y se sontará pa mesa tal regn de Dio. <sup>30</sup>Spo nen sarál dai ultimi co sará i pröms y dai pröms co sará i ultimi.

### Oraziun dal de


*Periun! Dio, nosc Signur, tö unescas düc chi co crei en te tla medema bona orenté: fá ch'i chiriunse ci che tö comanes y ch'i se dejidrunse ci che t'as empormetü, por ch'i sanse, tla malsügherté de cösta vita, da orienté nüsc cörs tal vers, olach'al é la derta ligreza.*

*Do cösc te periunse por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen.*

(Lezionar C)

☞ Letöres dla 22. domegna ia por l'ann:

Sir 3, 17–18.20.28–29 | Ebr 12, 18–19.22–24a | Lc 14, 1.7–14



Edema liturgica dai 25.08. ai 01.09.2019

<b>DOM 25.</b>	<b>21. domegna ia por l'ann</b> <i>Senese, Ludwig, Patrizia</i>
<b>08:30</b>	<b>gran messa</b> por dōta la ploania, benedisciun dal tomp <i>oferta por i debojügn dla ploania</i>
<b>12:15</b> 10 y 18	<b>sön Fojedöra, s.m.</b> de rengraziamont <i>s.m. a Al Plan</i>
<b>Lön 26.</b> 07:30	<i>Gregor, Teresa, Alexander</i> <i>s.m. a Al Plan</i>
<b>Ded 27.</b> 07:30	<i>Monica, Gebhard</i> <b>s.m.</b> por vis y †† dla fam. Sulzenbacher, Valsperch <b>s.m.</b> por les Püres Armes
<b>Dem 28.</b> 18:00	<i>Agostin, Elmar, Adelinde, Linda</i> <i>s.m. a Al Plan</i>
<b>Jöb 29.</b> 19:30	<i>Decapitaziun de San Jan, Sabina, Beatrix, Candida</i> <b>s.m.</b> d'aniversar por † Anna Ploner Rigo, Alnei <b>s.m.</b> por † Maria Ellecosta Brunner, Lüchesc/Valdaora
<b>Ven 30.</b> 07:30 16:30 - 18	<i>Heribert, Ingeborg, Rebeca</i> <i>s.m. a Al Plan</i> <i>confesciuns sō Oies</i>
<b>Sab 31.</b> 07:30 13:30	<i>Sabeda de Santa Maria Ujöp, d'Arimatea y Nicodemus, Raimund</i> <b>s.m.</b> por †† Maria, Rita y Angela Willeit, Cianoré <b>s.m.</b> en onú y rengraziamont a Santa Maria, Oma de Dio <b>funziun dal Bato de Lucas Brandlechner</b>
<b>DOM 01.</b> → 09:00 10 y 18	<b>22. domegna ia por l'ann   dai Angeli Custodi</b> <b>De d'oraziun por le mantignimont dla Creaziun</b> <i>Verena, Rut</i> <b>Festa de rengraziamont a signor ploan Heinrich Perathoner</b> <b>salüde</b> dan calogna y <b>prozesciun</b> te dlijia, <b>gran messa</b> ciantada de rengraziamont por dōta la ploania, devoziun a Santa Maria y benedisciun dal tomp <i>oferta por i debojügn dla ploania</i> <i>s.m. a Al Plan</i>
<i>ampola:</i>	do intenziun dla fam. Pedevilla, Soröa
<i>ministronc:</i>	▶ da doman y domegna: Manuel y Armin ▶ da sera y domegna: Pire y Thomas
<i>i recordun:</i>	Jep Baldissera + 27.08.2011 Annamaria Astner, <i>Niederdorf</i> + 31.08.2014



Na ligna “veloce” tla palestra de Gesù (Lc 13, 22–30)

**I ponsi do**

*La salveza é na gran scincunda che Chelbeldio i pita a düc, mo ara se damana n impegn personal, nia saurí y gnanca lesier: al é na scincunda da pié do y da vire. Por passé ete por la porta stronta de Gejú, val debojügn da se delibré dai peisc dessorora y dal gras dal egoism y dla superbia.*

**I preii ensciö**

Sunsemo bun, Signur, da mantegní mia “ligna” tal Spirit? Da passé ensciö tres che porta stronta co é proibida ai cörs posoc y zonza amur, ala mont superba y egoista? I mo tignará en forma tla palestra de tōa Parora, y i tignará ete la dieta de tōa umilté. I proará da m’armere con la sbürta y l’aiüt de tōa ciarité. I jará le tru dla vita acompagné da tōa amizizia. I fajará n bun alenamont metenn averda a tū conseis y ai comandamonc de to Vangelo. I sarun bun, Signur, da passé tres che porta, mo nia zonza te! Y sce t’anadas che al n’é de chi co se stonta - dáí, sieste bun - sleria empü’ cōsta porta y fá ch’i podunse ete düc.



**Vita de ploania y de paisc**



**“I te cherdí con to ennom” dij le Signur.**

La ploania d’La Pli tol sō con ligreza te sōa comunité **Lucas Brandlechner** (Sotrú) y ti fej les miús aodanzas ai geniturs Davide y Astrid: Idio, la Oma dal Ci y le Sant Patron acompagneii Osc mōt con sōa benedisciun y proteziun.

- **Festa de comié de signor Heinrich Perathoner, ploan, en domegna ai 1 de setember – program:**
  - ales 09:00 **salüde** dan calogna y **prozesciun** te dlijia, olá che i se metun sō do cōsc ordin: scolari, musiga, bandires, cor de dlijia, signor ploan con i ministronc y la comunité; i mituns y les mitans é periés da se tó do en straus de ciöf
  - **santa messa** ciantada de ringraziamont.
- **Festa dal paisc d’La Pli y encuntada dai grups musicai dai jogn dla Val Badia, en domegna, ai 1 de setember.**

Le de met man ales 9:00 con la santa messa de comié de signor ploan Heinrich Perathoner, ciantada dal cor de dlijia; cōsta val ince desco santa messa de conclujiun dl „Edena dai jogn 2019“.

Do messa vá la festa ennant con cōsc program:

10:30 concert dla musiga d’La Pli, 11:30 Eduard Huber&orchestra Val Badia, 12:45 concert ProVoxis, 14:15 concert Mosaic, 15:45 concert AnterVoisis, 17:15 Louis&space travellers, 19:00 Da Piz a Ciantun, 20:45 Wizards.

Ben 9 uniuns de paisc pita specialités culinares de vigne sort. Al sará en ciantun dai jüc por i mituns dertan döt le de. Düc é bel enviés a tó pert y passé en bel de adöm desco comunité, con de bela musiga, de bun da mangé y aorela cōrta.